

amserbeibl

Storiâu o'r Beibl – Safon I

Cofiwch roi eich enw a'ch cyfeiriad yma.

Oed _____ Dyddiad geni _____

Enw _____

Cyfeiriad _____

Enw Arweinydd y Dosbarth _____



Lliwiwch y lluniau yn y storiâu hyn o'r Hen Destament

Cofiwch mai un llythyren yw ch, dd, ff, ng, ll, ph, rh, th



DARLLENWCH
Jona 1: 1-9

Mae'r stori hon

yn sôn am:

Duw'n gwybod y
cyfan amdanom

Stori I Jona yn y Llong

Roedd Jona yn gwasanaethu Duw fel proffwyd - rhywun fyddai'n dweud wrth bobl beth oedd neges Duw. Un diwrnod, dywedodd Duw wrth Jona am fynd i ddinas fawr o'r enw Ninefe. Yno, roedd i rybuddio'r bobl ddrwg y byddai Duw yn eu cosbi, oherwydd roedd Ef wedi gweld eu pechodau.

Siarad â phwy wnaeth Duw? J _ _ a

I ble'r anfonodd Duw ef? N _ _ _ e


Ond, buodd Jona yn anufudd a rhedodd i ffwrdd. Yn Jopa, daeth o hyd i long oedd ar fin hwylio i Tarsis. Cyn bod y llong wedi mynd yn bell, anfonodd Duw storm fawr.

Roedd y morwyr ofnus yn teimlo mai bai Jona oedd hyn i gyd.

Roedd Jona wedi dweud wrthyn nhw ei fod yn addoli'r Arglwydd, Duw'r Nefoedd, a bod y storm wedi dod am iddo ef, Jona, fod yn anufudd.

Mae Duw yn gwybod popeth am ein pechodau ninnau hefyd, yn union fel roedd Ef wedi gweld yr holl bethau drwg a wnaeth trigolion Ninefe a Jona!

Mae'n bwysig iawn ein bod ni'n gwneud yr hyn mae Duw am i ni ei wneud!






DARLLENWCH
Jona 1: 10-17
a 2: 1-10

Mae'r stori hon
yn sôn am
Sut y Gall Duw
achub.

Stori 2 Jona yn y Môr

Wrth i'r storm waethygu, gofynnodd y morwyr i Jona beth allen nhw wneud i'w thawelu. "Cydiwch ynof i a thafiwch fi i'r môr," atebodd Jona. Pan wnaeth y morwyr hyn, gostegodd y storm yn syth. Suddai Jona yn is ac yn is, ond roedd Duw wedi trefnu bod pysgodyn mawr yn ei lyncu. Buodd Jona ym mol y pysgodyn am dri diwrnod a thair noson.



Rhowch linell drwy'r rhif anghywir.

**Buodd Jona ym mol y pysgodyn am 30 / 3 / 13 diwrnod
a 3 / 13 / 23 noson.**

Diolchodd i Dduw am achub ei fywyd! Roedd e'n cofio mor ofnadwy oedd bod mor agos at farw! Roedd wedi gweiddi ar yr Arglwydd yr eiliad honno ac roedd Ef wedi ei glywed a'i achub! "Yn wir", meddai Jona,

“I’r Arglwydd y
perthyn gwaredu.”

Lliwiwch y geiriau.

Yn union fel y paratôdd Duw ffordd i achub Jona, felly hefyd mae Ef wedi paratoi ffordd i ni gael maddeuant. Iesu Grist, a fu farw ar y groes drosom ni, yw'r Ffordd honno - ffordd arbennig Duw. Ydych chi wedi ymddiried Ynddo Ef ac wedi dweud "Diolch yn fawr"?



DARLLENWCH
Jona 3: 1-10

Mae'r stori hon
yn sôn am:
Troi at Dduw.

Stori 3 Jona yn pregethu yn Ninefe

Siaradodd Duw â'r
pysgodyn a chwydodd
hwnnw Jona ar dir sych!

Yna, dywedodd Duw
unwaith eto wrth Jona
am fynd i Ninefe.

Y tro hwn, ufuddhaodd
Jona! Pan gyrhaeddodd y
ddinas ddrygionus, aeth
ati i gyhoeddi neges
Duw.

“Mewn deugain (pedwar
deg) niwrnod, bydd
Ninefe yn cael ei
dinistrio,” gwaeddodd.

Wrth i'r bobl ddrwg wrando ar y proffwyd, roedden nhw'n
sylweddoli mor bechadurus oedden nhw ac fe gredon nhw yn Nuw.

Ysgrifennwch CYWIR neu ANGHYWIR:-


Byddai Ninefe yn cael ei dinistrio
mewn 30 diwrnod.

.....
Credodd pobl Ninefe yn Nuw.

.....
Clywodd hyd yn oed y brenin neges
Duw. Gorchmynnodd i'r holl bobl
weddi ar Dduw a throi o'u ffyrdd
drygionus.

Pan welodd Duw ei bod hi'n flin iawn
ganddyn nhw am eu pechodau,
penderfynodd Ef beidio â'u cosbi.

Dyna i chi beth gwych! Roedd Jona
yn gyntaf, ac wedyn dinas gyfan, wedi
derbyn maddeuant am eu bod wedi
edifarhau a chredu yn Nuw!





DARLLENWCH
Jona 4: 1-11

Mae'r stori hon
yn sôn am
Cariad a
charedigrwydd
Duw.

Stori 4 Jona yn gweddio ar Dduw

Roedd Jona yn flin wrth Dduw am Iddo beidio cosbi trigolion Ninefe. Pan weddiodd Jona ar Dduw, meddai, “Rwy'n gwybod dy fod Ti'n Dduw graslon a thrugarog.”

Wrth i Jona eistedd y tu allan i'r ddinas, gwnaeth gaban iddo'i hun rhag yr haul. Trefnodd Duw fod planhigyn mawr yn tyfu er mwyn rhoi mwy o gysgod iddo rhag yr haul crasboeth.

Yna, parodd Duw fod pryfyn yn dinistrio'r planhigyn. Yn y bore, wrth i'r haul godi, dechreuodd gwynt poeth chwythu. Teimlai Jona yn wirioneddol sâl.

Roedd e wedi bod yn ddiolchgar am y planhigyn, ond nawr roedd e'n ddig wrth Dduw unwaith eto.

Dywedodd Duw wrth Jona, “Yn union fel rwy't ti'n teimlo trueni dros y planhigyn, rwyf innau'n tosturio wrth bobl Ninefe, yn arbennig gan fod 120,000 ohonyn nhw'n blant ifanc.”



Rhowch gylch o gwmpas y tri pheth yn y stori hon roedd Duw wedi eu creu ac yn eu rheoli.

gwynt coeden neidr planhigyn pryfyn

Mae Duw'n tosturio'n fawr wrth bobl, pa mor ddrwg bynnag y maen nhw. Mae Ef yn barod bob amser i faddau i'r rhai sy'n edifarhau ac yn credu Ynddo Ef.

Marciau
(i'w nodi gan yr arweinydd)

Cyfanswm

Cyfanswm Llawn